



目日之函入

景德傳燈錄 三

土岐文庫
文庫17
W17
1





Red square seal impression on the top left of the left page.

Faint, illegible text in vertical columns on the left page, possibly bleed-through from the reverse side.

Red rectangular seal impression at the bottom center of the left page.



文庫 17
W17
1

景德傳燈錄序

翰林學士朝散大夫行左司諫知制誥同修國史判史館事柱國南陽郡開國侯食邑一千一百戶賜紫金魚袋呂揚億撰

昔釋迦文以受然燈之夙記當賢劫之次補降神演化四十九年開權實頓漸之門垂半滿偏圓之教隨機悟理爰有三乘之差接物利生乃度無邊之眾其悲濟廣大矣其軌式備具矣而雙林入滅獨顧於飲光屈胸相傳首從於達磨不立文字直指心源不踐階梯徑登佛地逮五葉而始盛分千燈而益繁達寶所者蓋多轉法輪者非一蓋大雄付囑之旨正眼流

昭和六年二月一日
土田氏藏
寄贈

010185192740

通之道教外別行不可思議者也
聖宋啓運人靈幽贊

太祖以神武戡亂而崇淨刹闢度門

太宗以欽明御辯而述祕詮暢真諦

皇上以睿文繼志而序聖教繹宗風煥雲章於義天

振金聲於覺苑蓮藏之言密契竺乾之緒克昌殖衆

善者滋多傳了義者間出圓頓之化流於區域有東

吳僧道原者冥心禪悅索隱空宗披弈世之祖圖采

諸方之語錄次序其源派錯綜其辭句由七佛以至

大法眼之嗣凡五十二世一千七百一人成三十卷

目之曰景德傳燈錄詣

關奉

進真於流布

皇上為佛法之外護嘉釋子之勤業載懷重慎思致

悠久乃

詔翰林學士左司諫知制誥臣楊億兵部員外郎

知制誥臣李維太常丞臣王曙等同加刊削俾之裁

定臣等昧三學之旨迷五性之方之臨川翻譯之能

懼毗邪語默之要恭承

嚴命不敢牢讓竊用探索匪遑寧居考其論撰之意

蓋以真空為本將以述曩聖入道之因標昔人契理之說機緣交激若拄於箭鋒智藏發光旁資於鞭影誘導後學敷暢玄猷而捃摭之來徵引所出糟粕多在油素可尋其有太士示徒以一音而開演含靈聳聽乃千聖之證明屬槩舉之是資取少分而斯可若乃別加潤色失其指歸既非華竺之殊言頗近錯雕之傷實如此之類悉仍其舊況又事資紀實必由於善叙言以行遠非可以無文其有標錄事緣縷詳軌迹或辭條之紛糾或言筌之猥俗並從刊削俾之綸貫至有儒臣居士之問荅爵位姓氏之著明校歲歷

以愆殊約史籍而差謬咸用刪去以資傳信自非虛投針之玄趣馳激電之迅機開示妙明之真心祖述苦空之深理即何以契傳燈之喻施刮膜之功若乃但述感應之徵符專叙參遊之轍迹此已標於僧史亦奚取於禪詮聊存世系之名庶紀師承之自然而舊錄所載或掇粗而遺精別集具存當尋文而補闕率加采擷爰從附益逮於序論之作或非古德之文閒前編聯徒增植釀植釀二字出唐張燕亦用簡別多所屏去沈茲周歲方遂終篇臣等性識媿於冥煩學問慙於涉獵天機素淺文力無餘妙道在久雖刻

心而斯久玄言絕俗固牆面以居多濫膺
 推擇之私靡著發揮之効已克終於紬繹將仰奉於
 清間莫副
 宸襟空塵
 睿覽謹上

[Faint bleed-through text from the reverse side of the page]

西來年表

己未	建元元年	南齊	太祖高皇帝	後魏	高祖孝文皇帝
庚申	二年	南齊	姓蕭諱道成	後魏	諱宏姓拓跋氏第六帝即位
辛酉	三年	南齊	受宋禪即位都金陵	後魏	改元延興當宋明帝泰始七年辛亥歲至太和
壬戌	四年	南齊	帝崩	後魏	十八年遷都洛陽二十年改姓元氏
癸亥	永明元年	世祖武帝	諱曠即位	後魏	
甲子	二年	世祖武帝		後魏	
乙丑	三年	世祖武帝		後魏	
丙寅	四年	世祖武帝		後魏	
丁卯	五年	世祖武帝		後魏	
戊辰	六年	世祖武帝		後魏	
己巳	七年	世祖武帝		後魏	

庚午八

辛未九

壬申十

癸酉十一

甲戌

乙亥

丙子

丁丑

戊寅

西

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

豫章王疑薨
七月帝崩

鬱蔚林王
諱昭業即位

隆昌元年 七月帝廢

海陵王
諱昭文即位
改元

延興元年 十月帝廢

高宗明帝
諱鸞
十月即位
改元

建武元年

二年

傅大士生

帝崩

東昏侯
諱寶卷即位

己卯 永元元年

二十三年 帝崩

世宗宣武皇帝
諱恪即位
改元

景明元年

二年

和帝
諱寶融即位
改元

中興元年

禪位于梁

右南齊蕭氏七主合二十

四年禪梁

梁
都金陵

高祖武皇帝
諱衍

姓蕭受禪于齊

建元天監

天監元年

癸未二

四年

甲申三

正始元年

乙酉四

二

丙戌五

三

丁亥六

四

戊子七

永平元年

己丑八

二

庚寅九

三

辛卯十

延昌元年

壬辰十一

四

癸巳十二

帝崩

甲午十三

三

乙未十四

二

丙申十五

熙平元年

建元天監

天監元年

四年

正始元年

永平元年

延昌元年

帝崩

熙平元年

肅宗孝明皇帝

諱翊即位
改元

熙平元年

丁酉十六年

二年

戊戌十七

神龜元年

己亥十八

二年

庚子普通元年 達磨至

正光元年 正宗記依梁僧寶唱續法記此年達

辛丑二 傅大士唱賣妻子

摩至梁而入魏於理可取

壬寅三

二

癸卯四

三

甲辰五

四

乙巳六 詔迎傅大士

孝昌元年

丙午七

五

丁未大通元年三月改元舊本傳

傳燈舊至月壬子言達磨辱洛陽誤也

燈至月日達磨至金陵誤也

武泰元年二月帝崩立幼主劄月崩立莊帝 正宗記引寶

唱續法記至達磨此年示滅於理可取

敬宗孝莊皇帝

諱子攸即位

改元建義

建義元年 九月又改元永安

永安元年

巳酉中大通元年
庚戌二

三十一月帝崩 若依寶唱續法傳即魏使歸洛奏遇達

磨西歸當在此年蓋明帝已崩而孝莊尚在位故也

辛亥三 李統薨

前廢帝

諱恭 二月即位
改元普泰

普泰元年

壬子四

二月帝廢

後廢帝

諱朗 普泰元年六月高懼帝於信都
改元興元年至三年四月廢之

出帝

諱脩 廣普泰三年四月即位
改元太昌

太昌元年

十二月又改永熙

永熙元年

癸丑五
甲寅六

三年七月帝迫於其相高懼出居關中懼立清河王世子
善見為主都鄴是為東魏於是魏分為東
十二月帝遇鴆崩

右後魏主合二百四十九年分為東西魏

西魏

都長安

東魏

都鄴

文皇帝

諱寶 煬京兆
王愉之子
宇文泰奉帝即位

孝靜帝

諱善 見高懼
奉帝即位改
元永熙三年為天平

乙卯大同元年

大同元年

丙辰二年

二年

三年舊本傳燈云十月五日
達磨卒十二月葬洛陽熊耳
山時洛陽屬東魏誤

丁巳三年

三年

戊午四年

四年

己未五年

五年

元象元年
興和元年舊傳燈云秦使
自西域回奏啓達磨墳見
空棺隻履誤

庚申六年

六年

辛酉七年

七年

三年

壬戌	六年	八年	四年
癸亥	九年	九年	武定元年
甲子	十年	十年	二年
乙丑	十年	十年	三年
丙寅	中大興元年	十年	四年
丁卯	太清元年	十三年	五年
戊辰	三年 侯景反	十四年	六年
巳巳	三年 五月帝崩	十五年	七年

簡文帝

諱綱即位改元

庚午 大寶元年

十六年

八年 五月禪于北齊

右東魏一主十七年

北齊

都鄴

文宣帝

諱洋姓高權之第三子五月受禪

建元天保

天保元年

辛未 二年 侯景廢帝而立豫

章王棟尋弒帝十月

景又廢棟自立僭号

元帝討而斬之

孝元帝

諱繹十月即位於江陵

廢帝

諱欽文帝長子即位不改号

壬申 承聖元年

癸酉 二年

三年

四年

五年

三年

四年

甲戌 三年

十月帝為魏軍所執尋弒之

三年

正月宇文泰廢帝

五年

思大失蘇山

敬帝

諱方智元帝既被執蕭詠言且

恭帝

諱廓文帝子宇文泰立之不改号止稱

為後梁都江陵王

元年

元年

僧辯陳霸先奉帝

元年

為梁主承聖四年九月即位

乙亥 紹泰元年

二年

三年

三年

十一月帝遜位于周

六年

丙子 太平元年

三年

七年

七年

七年

七年

右西魏三主合二十二年

後周 都長安

閔帝 諱覺姓宇文文帝 泰之子受禪于西魏 即位正稱元年

元年 南史以元年為元年 二年 九月宇文護敗帝為 略陽公尋弒之

八年

陳 右梁四主合五十六年

明帝 諱毓文帝泰之長子宇文護立之即位 改元武定

武定元年 南史云亦稱元年不改號

陳 都金陵

高祖武帝 諱霸先 姓陳氏 受禪于梁即位建元永定

元永定

永定元年

智者進具

六月帝崩

文帝 諱舊始興王長子 即位

智者謁思大於大蘇山

天嘉元年

武帝 諱邕文帝第四子以遺詔即位

保定元年

後梁宣帝崩子歸立 是為明帝改元天保

武成帝 諱湛權之第九子即位改元大寧

大寧元年

清河元年

三年

四年 帝禪位于太子自稱 太上皇

二年

三年

四年

五年

二年

三年

四年

五年

二年

丙戌 天康元年 四月帝崩

天和元年

天統元年

廢帝

諱伯宗文帝長子

後主

諱緯受禪即位改元天統

丁亥 光大元年 思大遷南嶽

二年

三年

宣帝

諱頊昭烈王之子以太后命即位

己丑 天建元年 傅大卒

四年

五年

智者往金陵

庚寅 二年

五年

武平元年

辛卯 三年

六年

二年

壬辰 四年

建德元年

三年

癸巳 五年

二年

四年

甲午 六年

三年 廢釋道二教

五年

智者隱天台

丙申 八年

五年

七年 十月為周武所敗改元隆化

隆化元年 德安王延宗即位

於晉陽改元德昌尋為周所虜

幼主

名恒後主以望氣者言有華易故傳位幼主自稱太上皇

丁酉 九年 思大卒

六年

承光元年 正月幼主即位

十月後主並為周所虜國滅

戊戌 十年

宣政元年 帝摠戎北伐六月崩于乘輿

宣帝

諱斌武帝長子即位

己亥 十一年

大成元年

正月晉書銜為皇太子二月傳位李自稱天元皇帝

靜帝

諱衍後改名闡宣帝長子宣帝於鄴官傳位改元大象

大象元年

庚子 十二年

二年 宣帝崩復釋道二教以太丞相楊堅為相國逢爵

辛丑十三年

為王備九錫
大定元年 正月改元二月遜位于隋
右後周五主合二十六年禪于隋

隋 都長安

高祖文帝 諱堅 姓楊氏 大定元年二月受禪于周即位建元開皇

壬寅十四年 正月帝崩

開皇元年

後主 諱叔寶 皇帝 長子即位

癸卯至德元年

三年

甲辰二年

四年

乙巳三年

五年

丙午四年

六年

丁未禎明元年

七年

戊申二年

八年

已酉三年 正月隋將韓擒建 九年 平陳天下 一統

業 虞後主國亡 右陳五主合三十二年隋滅之

庚戌

辛亥

壬子

癸丑

甲寅

乙卯

丙辰

丁巳

戊午

己未

庚申

辛酉

壬戌

十年

十一年

十二年

十三年

十四年

十五年

十六年

十七年

十八年

十九年

二十年

二十一年

四祖見三祖

二祖卒

智者卒

仁壽元年

二年

三年

四年

七月帝崩

乙丑	大業元年	煬帝	諱廣高祖第二子即位
丙寅	二年		
丁卯	三年		三祖卒
戊辰	四年		
己巳	五年		
庚午	六年		
辛未	七年		
壬申	八年		
癸酉	九年		
甲戌	十年		
乙亥	十一年		
丙子	十二年		
丁丑	十三年	恭帝	諱侑煬帝之孫元德太子昭之子十月唐公入京立帝改元義寧
戊寅	義寧元年		
二月	煬帝崩	帝遜位于唐	
三月	合	二十八年	禪于唐

達磨至中國今取正宗記為定蓋依梁僧寶唱續法記昔那連耶舍與萬天懿譯七佛至二十八祖傳去事梁簡文帝因使臣劉懸運往北齊取其書詔寶唱編入續法記也

重刊景德傳燈錄狀

湖州路道場山護聖萬歲禪寺耆舊僧希渭係慶元路昌國州人氏俗姓董自幼投禮本路在城觀音禪寺絕照和尚為師訓到法名投禮慈溪縣開壽普光禪寺龍源和尚薙髮為僧仍禮五臺律寺雪涯和尚受具戒披策西遊放包靈隱後值先師龍源和尚遷往茲山隨師參請迄今有年每念師恩未由報効伏覩從上佛祖景德傳燈錄三十卷七佛至法眼之嗣凡五十二世景德至延祐丙辰凡三百一十七年舊板銷朽無存後學慕之因及為此發心重刊

忽得本路天聖禪寺松廬和尚所藏廬山穩庵古冊
最為善本良恆素志遂於丙辰年正月初十日將衣
鉢估唱得統金一万二千餘緡是日命工刊行于世
流通祖道此錄總計三十六万七千九百一十七字
至當年臘月一日畢工隨即印捨三百部於兩浙安
衆名山方丈蒙堂衆寮各一部以便湖海辦道禪衲
參究集茲善利用報 四恩併資三有者
大元延祐三年臘月一日者舊僧 希渭 謹狀
小比丘 文雅 董役
當山住持嗣祖比丘 士洵 主錄



景德傳燈錄卷第一

宋沙門道原纂

七佛

毗婆尸佛

尸棄佛

毗舍浮佛

拘留孫佛

拘那含牟尼佛

迦葉佛

釋迦牟尼佛

天竺一十五祖內一祖旁出無錄

第一祖摩訶迦葉
第二祖阿難旁出未田底迦
第三祖商那和修
第四祖優波鞠多

- 第五祖提多迦
- 第六祖彌遮迦
- 第七祖婆須蜜
- 第八祖佛陀難提
- 第九祖伏馱蜜多
- 第十祖脇尊者
- 第十一祖富那夜奢
- 第十二祖馬鳴大士
- 第十三祖迦毗摩羅
- 第十四祖龍樹大士

敘七佛

古佛應世歷無窮不可以周知而悉數也故近譚賢劫有千如來暨于釋迦但紀七佛案長阿含經云七佛精進力放光滅暗冥各各坐樹下於中成正覺又曼殊室利為七佛祖師金華善慧大士登松山頂行道感七佛引前維摩接後今之撰述斷自七佛而

毗婆尸佛

過去莊嚴劫第九百九十八尊偈曰

身從無相中受生 猶如幻出諸形像
 幻人心識本來無 罪福皆空無所住

長阿含經云人壽八萬歲時此佛出世種利利姓拘
利若父盤頭母盤頭婆提居盤頭婆提城坐波波羅
樹下說法三會度人三十四萬八千人神足二一名
騫荼二名提舍侍者無憂子方膺
尸棄佛莊嚴劫第九尊偈曰

起諸善法本是幻

造諸惡業亦是幻

身如聚沫心如風

幻出無根無實性

長阿含經云人壽七萬歲時此佛出世種利利姓拘
利若父明相母光耀居光相城坐芬陀利樹下說法
三會度人二十五萬神足二一名阿毗浮二名婆婆

侍者忍行子無量

毗舍浮佛莊嚴劫第一千尊偈曰

假借四大以為身

心本無生因境有

前境若無心亦無

罪福如幻起亦滅

長阿含經云人壽六萬歲時此佛出世種利利姓拘
利若父善燈母稱戒居無喻城坐婆羅樹下說法二
會度人一十三萬神足二一扶遊二鬱多摩侍者寂
滅子妙覺

拘留孫佛現在賢劫第一尊偈曰

見身無實是佛身

了心如幻是佛幻

了得身心本性空

斯人與佛何殊別

長阿含經云人壽四萬歲時此佛出世種婆羅門姓
迦葉父禮得母善枝居安和城坐尸利沙樹下說法
一會度人四萬神足二一薩尼二毗樓侍者善覺子
上勝

拘那含牟尼佛賢劫第二尊偈曰

佛不見身知是佛

若實有知別無佛

智者能知罪性空

坦然不怖於生死

長阿含經云人壽二萬歲時此佛出世種婆羅門姓
迦葉父大德母善勝居清淨城坐烏菴婆羅門樹下

說法一會度人三萬神足二一舒樂并二鬱多樓侍
者安和子導師

迦葉佛賢劫第三尊偈曰

一切眾生性清淨

從本無生無可滅

即此身心是幻生

幻化之中無罪福

長阿含經云人壽二萬歲時此佛出世種婆羅門姓
迦葉父梵德母財主居波羅柰城坐尼拘律樹下說
法一會度人二萬神足二一提舍二婆羅婆侍者善
友子集軍

釋迦牟尼佛賢劫第四尊姓刹利父淨飯天母大清淨妙

位登補處生兜率天上名曰勝善天人亦名護明大
士度諸天衆說補處行亦於十方界中現身說法普
耀經云佛初生刹利王家放大智光明照十方世界
地涌金蓮華自然捧雙足東西及南北各行於七步
分手指天地作師子吼聲上下及四維無能尊我者
卽周昭王二十四年甲寅歲四月八日也至四十二
年二月八日年十九欲求出家而自念言當復何遇
卽於四門遊觀見四等事心有悲喜而作思惟此老
病死終可厭離於是夜子時有一天人名曰淨居於
窻牖中又手白太子言出家時至可云矣太子聞已

心生歡喜卽逾城而去於檀特山中修道始於阿藍
迦藍處二年學不用處定知非便捨復至鬱頭藍弗
處三年學非非想定知非亦捨又至象頭山同諸外
道日食麻麥經于六年故經云以無心意無受行而
悉摧伏諸外道先歷試邪法示諸方便發諸異見令
至菩提故普集經云菩薩於二月八日明星出時成
佛號天人師時年三十矣卽穆王三年癸未歲也既
而於鹿野苑中爲憍陳如等五人轉四諦法輪而論
道果說法住世四十九年後告弟子摩訶迦葉吾以
清淨法眼涅槃妙心實相無相微妙正法將付於汝

汝當護持并敕阿難副貳傳化無令斷絕而說偈言
法本法無法 無法法亦法 今付無法時
法法何曾法

爾時世尊說此偈已復告迦葉吾將金縷僧伽梨衣
傳付於汝轉授補處至慈氏佛出世勿令朽壞迦葉
聞偈頭面禮足曰善哉善哉我當依敕恭順佛故爾
時世尊至拘尸那城告諸大衆吾今背痛欲入涅槃
即往熙連河側娑羅雙樹下右脅累足泊然冥寂復
從棺起爲母說法特示雙足化婆耆并說無常偈曰
諸行無常 是生滅法 生滅滅已 不生滅法

寂滅爲樂

時諸弟子即以香薪競茶毗之燼後金棺如故爾時
大衆即於佛前以偈讚曰

凡俗諸猛熾 何能致火焚 請尊三昧火
闍維金色身

爾時金棺從座而舉高七多羅樹往反空中化火三
昧須臾灰生得舍利八斛四斗即穆王五十一年壬
申歲二月十五日也自世尊滅後一千一十七年教
至中夏即後漢永平十年戊辰歲也
天竺一十五祖

第一祖摩訶迦葉摩竭陀國人也姓婆羅門父飲澤
母香志昔為鍛金師善明金性使其柔伏付法傳云
嘗於久遠劫中毗婆尸佛入涅槃後四眾起塔塔中
像面上金色有少缺壞時有貧女將金珠往金師所
請飾佛面既而因共發願願我二人為無姻夫妻由
是因緣九十一劫身皆金色後生梵天天壽盡生中
天摩竭陀國婆羅門家名曰迦葉波此云飲光勝尊
蓋以金色為號也緣是志求出家冀度諸有佛言善
來比丘鬚髮自除袈裟著體常於眾中稱歎第一復
言吾以清淨法眼將付於汝汝可流巾無令斷絕

槃經云爾時世尊欲涅槃時迦葉不在眾會佛告諸
大弟子迦葉來時可令宣揚正法眼藏爾時迦葉在
耆闍崛山賓鉢羅窟觀勝光明即入三昧以淨天眼
觀見世尊於熙連河側入般涅槃乃告其徒曰如來
涅槃也何其駛哉即至雙樹間悲戀號泣佛於金棺
內現雙足爾時迦葉告諸比丘佛已荼毗金剛舍利
非我等事我等宜當結集法眼無令斷絕乃說偈曰

如來弟子

且莫涅槃

得神通者

當赴結集

於是得神通者悉集王舍耆闍崛山賓鉢羅窟時阿

難為漏未盡不得入會後證阿羅漢果由是得入迦
葉乃白眾言此阿難比丘多聞總持有大智慧常隨
如來梵行清淨所聞佛法如水傳器無有遺餘佛所
讚歎聰敏第一宜可請彼集修多羅藏大眾默然迦
葉告阿難曰汝今宜宣法眼阿難聞語信受觀察眾
心而宣偈言

比丘諸眷屬

離佛不莊嚴

猶如虛空中

眾星之無月

說是偈已禮眾僧足陞法座而說是言如是我聞一
時佛在某處說某經教乃至人天等作禮奉行時迦

葉問諸比丘阿難所言不錯謬乎皆曰不異世尊所
說迦葉乃告阿難言我今年不久留今將正法付囑
於汝汝善守護聽吾偈言

法法本來法

無法無非法

何於一法中

有法有非法

說偈已乃持僧伽梨衣入雞足山俟慈氏下生卽周
孝王五年丙辰歲也

第二祖阿難王舍城人也姓利帝利父斛飯王實佛
之從弟也梵語阿難陀此云慶喜亦云歡喜如來成
道夜生因爲之名多聞博達智慧無礙世尊以爲總

持第一嘗所讚歎加以宿世有大功德受持法藏如
水傳器佛乃命為侍者後阿闍世王白言仁者如來
迦葉尊勝二師皆已涅槃而我多故悉不能覩仁者
般涅槃時願垂告別阿難許之後自念言我身危脆
猶如聚沫况復衰老豈堪長久又念阿闍世王與吾
有約乃詣王宮告之曰吾欲入涅槃來辭耳門者曰
王寢不可以聞阿難曰俟王覺時當為我說時阿闍
世王夢中見一寶蓋七寶嚴飾千萬億眾圍繞瞻仰
俄而風雨暴至吹折其柄珍寶瓔珞悉墜於地心甚
驚異既寤門者具白上事王聞語已大聲號慟哀感

天地即至毗舍離城見阿難在恒河中流跏趺而坐
王乃作禮而說偈言

稽首三界尊 棄我而至此 暫憑悲願力
且莫般涅槃

時毗舍離王亦在河側復說偈言
尊者一何速 而歸寂滅場 願住須臾間
而受於供養

爾時阿難見二國王咸來勸請乃說偈言
二王善嚴住 勿為苦悲戀 涅槃當我靜
而無諸有故

阿難復念我若偏向一國而般涅槃諸國爭競無有是處應以平等度諸有情遂於恒河中流將入寂滅是時山河大地六種震動雪山中有五百僊人覩茲瑞應飛空而至禮阿難足胡跪白言我於長老當證佛法願垂大慈度脫我等阿難默然受請即變兢伽河悉為金地為其僊眾說諸大法阿難復念先所度脫弟子應當來集須臾五百羅漢從空而下為諸僊人出家受具其僊眾中有二羅漢一名商那和修二名未由底迦阿難知是法器乃告之曰昔如來以大法眼付大迦葉迦葉入定而付於我我今將滅用傳

於汝汝受吾教當聽偈言

本來付有法

付了言無法

各各須自悟

悟了無無法

阿難付法眼藏竟躡身虛空作十八變入風奮迅三昧分身四分一分奉切利天一分奉娑竭羅龍宮一分奉毗舍離城主一分奉阿闍世王各造寶塔而供養之乃厲王十二年癸巳歲也

第三祖商那和修者摩突羅國人也亦名舍那婆斯姓毗舍多父林勝母憍奢耶在胎六年而生梵云商諾迦此云自然服即西域九枝秀草名也若羅漢聖

人降生則此草生於淨潔之地和修生時瑞草斯應
 昔如來行化至摩突羅國見一青林枝葉茂盛語阿
 難曰此林地名優留荼吾滅度後一百年有比丘南
 那和修於此地轉妙法輪後百歲果誕和修出家證
 道受慶善尊者法眼化導有情及止此林降二火龍
 歸順佛教龍因施其地以建梵宮尊者化緣既久思
 忖正法尋於吒利國得優波毘多以為給侍因問
 多曰汝年幾耶答曰我年十七師曰汝身十七性十
 七耶答曰師髮已白為髮白耶心白耶師曰我但髮
 白非心白耳毘多曰我身十七非性十七也和修知

是法器後三載遂為落髮受具乃告曰昔如來以無
 上法眼藏付囑迦葉展轉相授而至於我我今付汝
 勿令斷絕汝受吾教聽吾偈言

非法亦非心 無心亦無法 說是心法時
 是法非心法

說偈已即隱於罽賓國南象白山中後於三昧中見
 弟子毘多有五百徒眾常多懈慢尊者乃往彼現龍
 奮迅三昧以調伏之而說偈曰

通達非彼此 至聖無長短 汝除輕慢意
 疾得阿羅漢

五百比丘聞偈已依教奉行皆獲無漏尊者乃作十
八變化火光三昧用焚其身翹多收舍利葬於梵迦
羅山五百比丘各持一旛迎導至彼建塔供養乃宣
王二十三年乙未歲也

第四祖優波翹多者吒利國人也亦名優波崛多又
名鄔波翹多姓首陀父善意十七出家二十證果隨
方行化至摩突羅國得度者甚眾由是魔宮震動波
旬愁怖遂竭其魔力以害正法尊者即入三昧觀其
所由波旬復伺便密持嬰珞縻之於頸及尊者出定
乃取人狗蛇三屍化為華鬘輒言慰諭波旬曰汝與

我嬰珞甚是珍妙吾以華鬘以相酬奉波旬大喜引
頸受之即變為三種臭屍蟲蛆壞爛波旬厭惡大生
憂惱盡已神力不能移動乃升六欲天告諸天主又
詣梵王求其解免彼各告言十力弟子所作神變我
輩凡陋何能去之波旬曰然則奈何梵王曰汝可歸
心尊者即能除斷乃為說偈令其迴向曰

若因地倒 還因地起 離地求起
終無其理

波旬受教已即下天宮禮尊者足哀露懺悔翹多曰
汝自今去於如來正法更作燒害否波旬曰我誓迴

向佛道永斷不善翫多曰若然者汝可口自唱言歸
依三寶魔王合掌三唱華髮悉除乃歡喜踊躍作禮
尊者而說偈曰

稽首三昧尊

十力聖弟子

我今願迴向

忽令有劣弱

尊者在世化導證果最多每度一人以一籌置於石
室其室縱十八肘廣十二肘克滿其間最後有一長
者子名曰香象來禮尊者志求出家尊者問曰汝身
出家心出家答曰我來出家非為身心尊者曰不為
身心復誰出家答曰夫出家者無我我故無我我故

卽心不生滅心不生滅卽是常道諸佛亦常心無形
相其體亦然尊者曰汝當大悟心自通達宜依佛法
僧紹隆聖種卽為剃度受具足戒仍告之曰汝父嘗
夢金白而生汝可名提多迦復謂曰如來以大法眼
藏次第傳授以至於我今復付汝聽吾偈言

心自本來心

本心非有法

有法有本心

非心非本法

付法已乃踊身虛空呈十八變然復本座跏趺而逝
多迦以室內籌用焚其軀收舍利建塔供養卽平王
三十一年庚子歲也

第五祖提多迦者摩伽陀國人也初生之時父夢金
日自屋而出照耀天地前有大山諸寶嚴飾山頂泉
涌洶池四流後遇翽多尊者為解之曰寶山者吾身
也泉涌者法無盡也日從屋出者汝今入道之相也
照耀天地者汝智慧超越也尊者本名香眾師因易
△名焉梵云提多迦此云通真量也多迦聞師說已
歡喜踊躍而唱偈言

巍巍七寶山 常出智慧泉 迴為真法味

能度諸有緣

翽多尊者亦說偈曰

我法傳於汝 當現大智慧 金日從屋出

照耀於天地

提多迦聞師妙偈設禮奉持後至中印度彼國有八
千大僊彌遮迦為首聞尊者至率眾瞻禮謂尊者曰
昔與師同生梵天我遇阿私陀僊人授我僊法師逢
十力弟子修習禪那自此報分殊途已經六劫尊者
曰支離累劫誠哉不虛今可捨邪歸正以入佛乘彌
遮迦曰昔阿私陀僊人授我記云汝卻後六劫當遇
同學獲無漏果今也相遇非宿緣耶願師慈悲令我
解脫尊者即度出家命聖授戒餘僊眾始生我慢尊

者示大神通於是俱發菩提心一時出家乃告彌遮迦曰昔如來以大法眼藏密付迦葉展轉相授而至於我我今付汝當護念之乃說偈曰

通達本心法 無法無非法 悟了同未悟
無心亦無法

說偈已躡身虛空作十八變火光三昧自焚其軀彌遮迦與八千比丘同收舍利於班荼山中起塔供養卽莊王七年己丑歲也

第六祖彌遮迦者中印度人也既傳法已遊化至北天竺國見雉堞之上有金色祥雲歎曰斯道人氣也

必有居士爲吾法嗣乃入城於闐闐間有一人手持酒器逆而問曰師何方而來欲往何所師曰從自心來欲往無處曰識我手中物否師曰此是觸器而負淨者曰師還識我否師曰我卽不識識卽非我又謂曰汝試自稱名氏吾當後示本因彼人說偈而答我從無量劫至于生此國本姓頗羅墮名字婆須蜜師曰我師提多迦說世尊昔遊北印度語阿難言此國中吾滅後三百年有一聖人姓頗羅墮名婆須蜜而於禪祖當獲第七世尊記汝汝應出家彼乃置器禮師側立而言曰我思往劫嘗作檀那獻一如來寶座

彼佛記我云汝於賢劫釋迦法中宣傳至教今符師說願加度脫師即與披剃復圓戒相乃告之曰正法眼藏今付於汝勿令斷絕乃說偈曰

無心無可得 說得不名法 若了心非心
始了心心法

師說偈已入師子奮迅三昧踊身虚空高七多羅樹卻復本座化火自焚婆須蜜收靈骨貯七寶函建浮圖寘于上級即襄王十七年甲申歲也

第七祖婆須蜜者北天竺國人也姓頗羅墮常服淨衣執酒器遊行里閤或吟或嘯人謂之狂及遇彌遮

迦尊者宣如來往誌自省前緣投器出家授法行化至迦摩羅國廣興佛事於法座前忽有一智者自稱我名佛陀難提今與師論義師曰仁者論即不義義即不論若擬論義終非義論難提知師義勝心即欽伏曰我願求道霑甘露味尊者遂與剃度而授具戒復告之曰如來正法眼藏我今付汝汝當護持乃說偈曰

心同虚空界 示等虚空法 證得虚空時
無是無非法

尊者即入慈心三昧時梵王帝釋及諸天眾俱來作

禮而說偈言

賢劫衆聖祖 而當第七位 尊者哀念我
請爲宣佛地

尊者從三昧起示衆云我所得法而非有故若識佛地離有無故說此語已還入三昧示涅槃相難提即於本座起七寶塔以葬全身即定王十九年辛未歲也

第八祖佛陀難提者迦摩羅國人也姓瞿曇氏頂有肉髻辯捷無礙初遇婆須蜜尊者出家受教既而領徒行化至提伽國城毗舍羅家見舍上有白光上騰

謂其徒曰此家當有聖人口無言只說真大乘器不行四衢知觸穢耳言訖長者出致禮問何所須尊者曰我求侍者曰我有一子名伏駄蜜多年已五十口未曾言足未曾履尊者曰如汝所說真吾弟子尊者見之遽起禮拜而說偈曰

父母非我親 誰是最親者 諸佛非我道 誰是最道者

尊者以偈答曰

汝言與心親 父母非可比 汝行與道合 諸佛心即是 外求有相佛 與汝不相似

欲識汝本心 非合亦非離

伏默蜜多聞師妙偈便行七步師曰此子昔曾值佛悲願廣大慮父母愛情難捨故不言不履耳時長者遂捨冷出家尊者尋授具戒復告之曰我今以如來正法眼藏付囑於汝勿令斷絕乃說偈曰

虛空無內外 心法亦如此 若了虛空故 是達真如理

伏默蜜多承師付囑以偈讚曰

我師禪祖中 當得為第八 法化衆無量 悉獲阿羅漢

爾時尊者佛陀難提即現神變卻復本座儼然寂滅衆興寶塔葬其全身即景王十二年丙寅歲也

第九祖伏默蜜多者提伽國人姓毗舍羅既受佛陀難提付囑後至中印度行化時有長者香蓋攜一子而來瞻禮尊者曰此子處胎六十歲因號難生復嘗會一僊者謂此兒非凡當為法器今遇尊者可令出家尊者即與落髮授戒羯磨之際祥光燭座仍感舍利三七粒現前自此精進忘疲既而師告曰如來大法眼藏今付於汝汝護念之乃說偈曰

真理本無名 因名顯真理 受得真實法

非真亦非偽

尊者付法已即入滅盡三昧而般涅槃眾以香油栴檀闍維真體收舍利建塔于那爛陀寺即敬王三十五年甲寅歲也

第十祖脅尊者中印度人也本名難生初尊者將誕父夢一白象背有寶座座上安一明珠從門而入光照四眾既覺遂生後值伏馱尊者執侍左右未嘗睡眠謂其脅不至席遂號脅尊者焉初至華氏國憩一樹下右手指地而告眾曰此地變金色當有聖人入會言訖即變金色時有長者子富那夜奢合掌前立

尊者問汝從何來夜奢曰我心非往尊者曰汝何處住曰我心非止尊者曰汝不定耶曰諸佛亦然尊者曰汝非諸佛曰諸佛亦非尊者因說偈曰

此地變金色 預知於聖至 當坐菩提樹

覺華而成已

夜奢復說偈曰

師坐金色地 常說真實義 迴光而照我

今入三摩諦

尊者知其意即度出家復具戒品乃告之曰如來大法眼藏今付於汝汝護念之乃說偈言

真體自然真 因真說有理 領得真真法
無行亦無止

尊者付法已即現神變而入涅槃化火自焚四眾各
以衣祴盛舍利隨處興塔而供養之即貞王二十二
年已亥歲也

第十一祖富那夜奢華氏國人也姓瞿曇氏父寶身
既得法於脅尊者尋詣波羅柰國有馬鳴大士迎而
作禮因問曰我欲識佛何者即是師曰汝欲識佛不
識者是曰佛既不識焉知是乎師曰既不識佛焉知
不是曰此是鋸義師曰彼是木義復問鋸義者何曰

與師平出又問木義者何師曰汝被我解馬鳴豁然
省悟稽首歸依遂求剃度師謂眾曰此大士者昔為
毗舍離國王其國有一類人如馬裸露王運神力分
身為蠶彼乃得衣王後復生中印度馬人感戀悲鳴
因號馬鳴焉如來記云吾滅度後六百年當有賢者
馬鳴於波羅柰國摧伏異道度人無量繼吾傳化今
正是時即告之曰如來大法眼藏今付於汝即說偈
曰

迷悟如隱顯 明暗不相離 今付隱顯法
非一亦非二

尊者付法已即現神變湛然圓寂眾興寶塔以閱全身即安王十四年戊戌歲也

第十二祖馬鳴大士者波羅崇國人也亦名功勝以有作無作諸功德最為殊勝故名焉既受法於夜者尊者後於華氏國轉妙法輪忽有老人座前仆地師謂眾曰此非庸流當有異相言訖不見俄從地踊出一金色人復化為女子右手指師而說偈曰

稽首長老尊 當受如來記 今於此地上

宣通第一義

說偈已瞥然不見師曰將有魔來與吾校力有頃風

雨暴至天地晦冥師曰魔之來信矣吾當除之即指空中現一大金龍奮發威神震動山嶽師儼然於座魔事隨滅經七日有一小蟲大若螭頭潛形座下師以手取之示眾曰斯乃魔之所變盜聽吾法耳乃放之令去魔不能動師告之曰汝但歸依三寶即得神通遂復本形作禮懺悔師問曰汝名誰耶眷屬多少曰我名迦毗摩羅有二千眷屬師曰汝盡神力變化若何曰我化巨海極為小事師曰汝化性海得否曰何謂性海我未嘗知師即為說性海云山河大地皆依建立三昧六神通由茲發現迦毗摩羅聞言遂發

信心與徒眾三千俱求剃度師乃召五百羅漢與授具戒復告之曰如來大法眼藏今當付汝汝聽偈言
隱顯即本法 明暗元不二 今付悟了法
非取亦非離

付法已即入龍奮迅三昧挺身空中如日輪相然後示滅四眾以真體藏之龍龕即顯王三十七年甲午歲也

第十三祖迦毗摩羅者華氏國人也初為外道有徒三千通諸異論後於馬鳴尊者得法領徒至西印度彼有太子名雲自在仰尊者名請於宮中供養尊者

曰如來有教沙門不得親近國主大臣權勢之家太子曰今我國城之北有大山焉山中有一石窟師可禪叙于此否尊者曰諾即入彼山行數里逢一大蟒尊者直進不顧遂盤繞師身師因與受三歸依蟒聽訖而去尊者將至石窟復有一老人素服而出合掌問訊尊者曰汝何所止答曰我昔嘗為比丘多樂寂靜有初學比丘數來請益而我煩於應答起瞋恨想命終墮為蟒身住是窟中今已千載適遇尊者獲聞戒法故來謝耳尊者問曰此山更有何人居止曰北去十里有大樹蔭覆五百大龍其樹王名龍樹常為

龍衆說法我亦聽受耳尊者遂與徒衆詣彼龍樹出
迎尊者曰深山孤寂龍麟所居太德至尊何枉神足
師曰吾非至尊來訪賢者龍樹默念曰此師得決定
性明道眼否是大聖繼真乘否師曰汝雖心語吾已
意知但辨出家何慮吾之不聖龍樹聞已悔謝尊者
卽與度脫及五百龍衆俱授具戒復告龍樹曰今以
如來大法眼藏付囑於汝諦聽偈言

非隱非顯法 說是真實際 悟此隱顯法
非愚亦非智

付法已卽現神變化火焚身龍樹收五色舍利建塔

瘞之卽赦王四十二年壬辰歲也

第十四祖龍樹尊者西天竺國人也亦名龍勝始於
毗羅尊者得法後至南印度彼國之人多信福業聞
尊者爲說妙法遂相謂曰人有福業世間第一徒言
佛性誰能覩之尊者曰汝欲見佛性先須除我慢彼
人曰佛性大小尊者曰非大非小非廣非狹無福無
報不死不生彼聞理勝悉迴初心尊者復於座上現
自在身如滿月輪一切衆唯聞法音不覩師相彼衆
中有長者子名迦那提婆謂衆曰識此相否衆曰且
所未覩安能辨識提婆曰此是尊者現佛性體相以

示我等何以知之蓋以無相三昧形如滿月佛性之
義廓然虛明言訖輪相即隱復居本座而說偈言
身現圓月相以表諸佛體說法無其形
用辨非聲色

彼眾聞偈頓悟無生成願出家以求解脫尊者即為
剃髮命諸聖授具其國先有外道五千餘人作大幻
術眾皆宗仰尊者悉為化之令歸三寶復造大智度
論中論十二門論垂之於世後告上首弟子迦那提
婆曰如來大法眼藏今當付汝聽吾偈言
為明隱顯法方說解脫理於法心不證

無瞋亦無喜

付法訖入月輪三昧廣現神變復就本座凝然禪寂
迦那提婆與諸四眾共建寶塔以葬焉即秦始皇三
十五年己丑歲也

景德傳燈錄卷第一

校譌

第十紙第六行城南北藏作龍

音釋

鍛都玩切冶 駛爽士切 脆此芮切物 麴梵語也
種金曰鍛 燒爾紹切擾 洿易斷也 雉此云賤
例同亂也 洿洿鋪郎切 雉切雉堞

城上女闌闌闌闌胡關切市垣也闌置也眞支義切祓古得切
 牆也前裸郎果切闕兵媚切仆芳遇切警四蔑切醜醜茲消切醜小蟲也瘞於屬切赦乃版切

丹陽居士賀學禮施貴刻此
 景德傳燈錄第一卷 計字卞千八百五十箇
 該銀四兩零七分
 安城沙門可震對吳門徐普書進賢洪以忠刻
 萬曆乙巳孟冬月徑山寂照庵識

景德傳燈錄卷第二

宋沙門道原纂

天竺三十五祖祖見錄

- | | |
|-----------|-----------|
| 第十五祖迦那提婆 | 第十六祖羅睺羅多 |
| 第十七祖僧伽難提 | 第十八祖伽耶舍多 |
| 第十九祖鳩摩羅多 | 第二十祖闍夜多 |
| 第二十一祖婆修盤頭 | 第二十二祖摩拏羅 |
| 第二十三祖鶴勒那 | 第二十四祖師子尊者 |
| 第二十五祖婆舍斯多 | 第二十六祖不如密多 |
| 第二十七祖般若多羅 | |

師子尊者有出達磨達

達磨達出二祖

一因陀羅出四祖

一達磨尸利帝

三破樓求多羅

瞿羅忌利婆出二祖

一波羅跋摩出二祖

達磨尸利帝出二祖

一破樓求多羅出三祖

一和修盤頭出三祖

三梅陀羅多

波羅跋摩出三祖

一勒那多羅

三婆羅婆多

僧伽羅又出五祖

一毗舍也多羅

三毗栗芻多羅

五婆難提多

二瞿羅忌利婆

二那伽難提

四波羅婆提

二僧伽羅又

二訶利跋茂

二達摩訶帝

二盤頭多羅

二毗樓羅多摩

四優波羶馱

已上奇出二十二祖
無機緣語句不錄

第十五祖迦那提婆者南天竺國人也姓毗舍羅初求福業兼樂辯論後謁龍樹大士將及門龍樹知是智人先遣侍者以滿鉢水置於座前尊者觀之即以一鍼投而進之欣然契會龍樹即為說法不起於座見月輪相唯聞其聲不見其形尊者語眾曰今此瑞者師現佛性表說法非聲色也尊者既得法後至毗羅國彼有長者曰梵摩淨德一日園樹生大耳如菌味甚美唯長者與第一子羅睺羅多取而食之取已隨長盡而復生自餘親屬皆不能見時尊者知其宿因遂至其家長者問其故尊者曰汝家昔曾供養一

比丘然此比丘道眼未明以虛露信施故報為木菌惟汝與子精誠供養得以享之餘即否矣又問長者年多少答曰七十有九尊者乃說偈曰

入道不通理 復身還信施 汝年八十一 此樹不生耳

長者聞偈彌加歎伏且曰弟子衰老不能事師願捨次子隨師出家尊者曰昔如來記此子當第一五百

後又曰汝似賤人尊者曰汝似良人又曰汝解何法
尊者曰汝百不解又曰我欲得佛尊者曰我酌然得
佛又曰汝不谷得尊者曰元道我得汝實不得又曰
汝既不得云何言得尊者曰汝有我故所以不得我
無我故我自當得彼詞既屈乃問師曰汝名何等尊
者曰我名迦那提婆彼既夙聞師名乃悔過致謝時
衆中猶互興問難尊者析以無礙之辯由是歸伏乃
告上足羅睺羅多而付法眼偈曰
本對傳法人 爲說解脫理 於法實無證
無終亦無始

尊者說偈已入奮迅定身放八光而歸寂滅學衆興
塔而供養之卽前漢文帝十九年庚辰歲也
第十六祖羅睺羅尊者迦毗羅國人也行化至室羅
筏城有河名曰金水其味殊美中流復現五佛影尊
者告衆曰此河之源凡五百里有聖者僧伽難提居
於彼處佛誌一千年後當紹聖位語已領諸學衆游
流而上至彼見僧伽難提安坐入定尊者與衆伺之
經三七日方從定起尊者問曰汝身定耶心定耶曰
身心俱定尊者曰身心俱定何有出入曰雖有出入
不失定相如金在井金體常尊者曰若金在井若

金出井金無動靜何物出入曰言金動靜何物出入
許金出入金非動靜尊者曰若金在井出者何金若
金出井在者何物曰金若出井在者非金金若在井
出者非物尊者曰此義不然曰彼理非著尊者曰此
義當墮曰彼義不成尊者曰彼義不成我義成矣曰
我義雖成法非我故尊者曰我義已成我無我故曰
我無我故復成何義尊者曰我無我故故成汝義曰
仁者師於何聖得是無我尊者曰我師迦那提婆證
是無我曰稽首提婆師而出於仁者仁者無我故我
欲師仁者尊者曰我已無我故汝須見我我汝若師

我故知我非我我難提心意豁然即求度脫尊者曰
汝心自在非我所繫語已即以右手擎鉢舉至梵
宮取彼香飯將齋大衆而大衆忽生厭惡之心尊者
曰非我之咎汝等自業即命僧伽難提分座同食衆
復訝之尊者曰汝不得食皆由此故當知與吾分座
者即過去娑羅樹王如來也愍物降迹汝輩亦莊嚴
劫中已至三果而未證無漏者也衆曰我師神力斯
可信矣彼云過去佛者即竊疑焉僧伽難提知衆生
慢乃曰世尊在日世界平正無有丘陵江河溝洫水
悉甘美草木滋茂國土豐盈無八苦行十善百雙樹

示滅八百餘年世東丘墟樹木枯悴人無至信正念
輕微不信真如唯愛神力言訖以右手漸展入地至
金剛輪際取甘露水以瑠璃器持至會所大衆見之
卽時欽慕悔過作禮於是尊者命僧伽難提而付法
眼偈曰

於法實無證

不取亦不離

法非有無相

內外云何起

尊者付法已安坐歸寂四衆建塔此當前漢武帝二
十八年戊辰歲也

第十七祖僧伽難提者室羅闍城寶莊嚴王之子也

生而能言常讚佛事七歲卽厭世樂以偈告其父母
曰

稽首大慈父

和南骨血母

我今欲出家

幸願哀愍故

父母固止之遂終日不食乃許其在家出家號僧伽
難提復命沙門禪利多爲之師積十九載未曾退倦
尊者每自念言身居王宮胡爲出家一夕天光下屬
見一路坦平不覺徐行約十里許至大巖前有石窟
焉乃憩寂于中父旣失子卽擯禪利多出國訪尋其
子不知所在經十年尊者得法受記已行化至摩提

國忽有涼風襲衆身心悅適非常而不知其然尊者曰此道德之風也當有聖者出世嗣續祖燈乎言訖以神力攝諸大衆遊歷山谷食頃至一峯下謂衆曰此峯頂有紫雲如蓋聖人居此矣即與大衆徘徊久之見山舍一童子持圓鑑直造尊者前尊者問汝幾歲耶曰百歲尊者曰汝年尚幼何言百歲曰我不會理正百歲耳尊者曰汝善機耶曰佛言若人生百歲不會諸佛機未若生一日而得決了之師曰汝手中者當何所表童曰諸佛大圓鑑內外無瑕翳兩人同得見心眼皆相似彼父母聞子語即捨令出家尊者

攜至本處受具戒訖名伽耶舍多他時聞風吹殿銅鈴聲尊者問師曰鈴鳴耶風鳴耶師曰非風非鈴我心鳴耳尊者曰心復誰乎師曰俱寂靜故尊者曰善哉善哉繼吾道者非子而誰即付法偈曰

心地本無生 因地從緣起 緣種不相妨 華果亦復爾

尊者付法已右手攀樹而化大衆議曰尊者樹下歸寂其垂蔭後裔乎將奉全身於高原建塔衆力不能舉即就樹下起塔當前漢昭帝十三年丁未歲也第十八祖伽耶舍多者摩提國人也姓鬱頭監父天

蓋母方聖嘗夢大神持鑑因而有娠凡七白而誕肌體瑩如瑠璃未嘗洗沐自然香潔幼好閑靜語非常童持鑑出遊遇難提尊者得度領徒至大月氏國見一婆羅門舍有異氣尊者將入彼舍舍主鳩摩羅多問曰是何徒衆曰是佛弟子彼聞佛號心神竦然即時閉戶尊者良久自扣其門羅多曰此舍無人尊者曰答無者誰羅多聞語知是異人遽開關延接尊者曰昔世尊記曰吾滅後一千年有大士出現於月氏國紹隆玄化今汝值吾應斯嘉運於是鳩摩羅多發宿命智投誠出家受具訖付法偈曰

有種有心地 因緣能發萌 於緣不相礙 當生生不生

尊者付法已踊身虛空現十八種神變化火光三昧自焚其身衆以舍利起塔當前漢成帝二十年戊申歲也

第十九祖鳩摩羅多者大月氏國婆羅門之子也昔為自在天人欲界第六天見菩薩瓔珞忽起愛心墮生初利欲界第二天聞橋戶迦說般若波羅蜜多以法勝故升于梵天色界以根利故善說法莫諸天尊為導師以繼祖時至遂降月氏後至中天竺國有大士名闍夜多

問曰我家父母素信三寶而嘗蒙疾瘵凡所營作皆不如意而我隣家久為旃陀羅行而身常勇健所作和合彼何幸而我何辜尊者曰何足疑乎且善惡之報有三時焉凡人恒見仁天暴壽逆吉義凶便謂因果虛罪福殊不知影響相隨毫釐靡忒縱經百千萬劫亦不磨滅時闇夜多聞是語已頓釋所疑尊者曰汝雖已信三業而未明業從惑生惑因識有識依不覺不覺依心心本清淨無生滅無造作無報應無勝負寂寂然靈靈然汝若入此法門可與諸佛同矣一切善惡有為無為皆如夢幻闇夜多承言領旨即

發宿慧懇求出家既受具尊者告曰吾今寂滅時至汝當紹行化迹乃付法眼偈曰

性上本無生 為對求人說 於法既無得 何懷決不決

師曰此是妙音如來見性清淨之句汝宜傳布後學言訖即於座上以指爪勢面如紅蓮開出大光明照耀四眾而入寂滅闇夜多起塔當新室十四年壬午歲也

第二十祖闇夜多者北天竺國人也智慧淵冲化導無量後至羅閱城敷揚頓教彼有學眾唯尚辯論為

之首者名波修盤頭此云常一食不臥六時禮佛清淨無欲為眾所歸尊者將欲度之先問彼眾曰此徧行頭陀能修梵行可得佛道乎眾曰我師精進何故不可尊者曰汝師與道遠矣設苦行歷於塵劫皆虛妄之本也眾曰尊者蘊何德行而譏我師尊者曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希名之曰道時徧行聞已發無漏智歡喜讚歎尊者又語彼眾曰會吾語否吾所以然者為其求道心切夫弦急即斷故吾不贊令其住安樂地入諸佛

智復告徧行曰吾適對眾抑挫仁者得無惱於衷乎曰我憶念七劫前生常安樂國師於智者月淨記我非久當證斯陀舍果時有大光明菩薩出世我以老故策杖禮謁師叱我曰重子輕父一何鄙哉時我自謂無過請師示之師曰汝禮大光明菩薩以杖倚壁畫佛面以此過慢遂失二果我責躬悔過已來聞諸惡言如風如響况今獲飲無上甘露而反生熱惱耶惟願大慈以妙道垂誨尊者曰汝久植眾德當繼吾宗聽吾偈曰

言下合無生 同於法界性 若能如是解

通達事理竟

尊者付法已不起於座奄然歸寂闍維收舍利建塔當後漢明帝十七年甲戌歲也

第二十一祖婆修盤頭者羅閱城人也姓毗舍佉父光蓋母嚴一家富而無子父母禱于佛塔而求嗣焉一夕母夢吞明暗二珠覺而有孕經七日有一羅漢名賢眾至其家光蓋設禮賢眾端坐受之嚴一出拜賢眾避席云迴禮法身大士光蓋罔測其由遂取一寶珠跪獻賢眾試其真偽賢眾即受之殊無遜謝光蓋不能忍問曰我是丈夫致禮不顧我妻何德尊者

避之賢眾曰我受禮納珠貴福汝耳汝婦懷聖子生當為世燈慧白故吾避之非重女人也賢眾又曰汝婦當生二子一名婆修盤頭則吾所尊者也二名芻尼此云野昔如來在雪山修道芻尼巢於頂上佛既成道芻尼受報為那提國王佛記云汝至第二五百年生羅閱城毗舍佉家與聖同胞今無爽矣後一月果產二子尊者婆修盤頭年至十五禮光度羅漢出家感毗婆訶菩薩與之授戒行化至那提國彼王名常自在有二子一名摩訶羅次名摩拏羅王問尊者曰羅閱城土風與此何異尊者曰彼土曾三佛出世

今王國有二師化導曰二師者誰尊者曰佛記第二
五百年有一神力大士出家繼聖即王之次子摩拏
羅是其一也吾雖德薄敢當其一王曰誠如尊者所
言當捨此子作沙門尊者曰善哉大王能遵佛旨即
與受具付法偈曰

泡幻同無礙 如何不了悟 達法在其中
非今亦非古

尊者付法已躡身高半由旬屹然而住四眾仰瞻虔
請復坐踟躕而逝茶毗得舍利建塔當後漢殤帝十
二年丁巳歲也

第二十二祖摩拏羅者那提國常自在王之子也年
三十遇婆修祖師出家傳法至西印度彼國王名得
度即瞿曇種族歸依佛乘勤行精進一日於行道處
現一小塔欲取供養眾莫能舉王即大會梵行禪觀
呪術等三眾欲問所疑時尊者亦赴此會是三眾皆
莫能辯尊者即為王廣說塔之所因此阿育王造塔今
之出現王福力之所致也王聞是說乃曰至聖難逢
世樂非久即傳位太子投祖出家七日而證四果尊
者深加慰誨曰汝居此國善自度入今異域有大法
器吾當化令得度曰師應迹十方勸念當至寧勞往

耶尊者曰然於是焚香遙語月氏國鶴勒那比丘曰
 汝在彼國教導鶴勒那道果將證宜自知之時鶴勒那
 為彼國王寶印說修多羅偈忽覩異香成禱王曰是
 何祥也曰此是西印度傳佛心印祖師摩拏羅將至
 先降信香耳曰此師神力何如答曰此師遠承佛記
 當於此土廣宣文化時王與鶴勒那俱遙作禮尊者
 知已即辭得度比丘往月氏國受王與鶴勒那供養
 後鶴勒那問尊者曰我止林間已經九白年為一白
 有弟子龍子者幼而聰慧我於三世推窮莫知其本
 尊者曰此子於第五劫中生妙喜國婆羅門家曾以

梅檀施於佛宇作槌撞鐘受報聰敏為眾欽仰又問
 我有何緣而感鶴眾尊者曰汝第四劫中嘗為比丘
 當赴會龍宮汝諸弟子咸欲隨從汝觀五百眾中無
 有一人堪任妙供時諸子曰師常說法於食等者於
 法亦等今既不然何聖之有汝即令赴會自汝捨生
 趣生轉化諸國其五百弟子以福微德薄生於羽族
 今感汝之惠故為鶴眾相隨鶴勒那聞語曰以何方
 便令彼解脫尊者曰我有無上法寶汝當聽受化未
 來際而說偈曰

心隨萬境轉

轉處實能幽

隨流認得性

無喜復無憂

時鶴衆聞偈飛鳴而去尊者跏趺寂然奄化鶴勒那與寶印王起塔當後漢桓帝十九年乙巳歲也

第二十三祖鶴勒那者

勒那梵語鶴即華言以尊者出世常感羣鶴戀慕故名

月氏國人也姓婆羅門父千勝母金光以無子故禱千七佛金幢即夢須彌山頂一神童持金環云我來也覺而有孕年七歲遊行聚落觀民間淫祀乃入廟叱之曰汝妄興禍福幻惑於人歲費牲牢傷害斯甚言訖廟貌忽然而壞由是鄉黨謂之聖子年二十二出家三十遇摩拏羅尊者付法眼藏行化至中印度

彼國王名無畏海崇信佛道尊者為說正法次王忽見二人緋素服拜尊者王問曰此何人也師曰此是日月天子吾昔曾為說法故來禮耳良久不見唯聞異香王曰日月國土總有多少尊者曰千釋迦佛所化世界各有百億迷盧日月我若廣說即不能盡王聞忻然時尊者演無上道度有緣衆以上足龍子早天有兄師子博通彊記事婆羅門厥師既逝弟復云云乃歸依于尊者而問曰我欲求道當何用心尊者曰汝欲求道無所用心曰既無用心誰作佛事尊者曰汝若有用即非功德汝若無作即是佛事經云我

所作功德而無我所故師子聞是言已卽入佛慧時
尊者忽指東北問云是何氣象師子曰我見氣如白
虹貫乎天地復有黑氣五道橫亘其中尊者曰其兆
云何曰莫可知矣尊者曰吾滅後五十年北天竺國
當有難起嬰在汝身吾將滅矣今以法眼付囑於汝
善自護持乃說偈曰

認得心性時 可說不思議 了了無可得
得時不說知

師子比丘聞偈欣愜然未曉將罹何難尊者乃密示
之言訖現十八變而歸寂闍維畢分舍利各欲興塔

尊者復現空中而說偈曰

一法一切法 一切一法攝 吾身非有無
何分一切塔

大衆聞偈遂不復分就默都之場而建塔焉卽後漢
獻帝二十年己丑歲也

第二十四祖師子比丘者中印度人也姓婆羅門得
法遊方至罽賓國有波利迦者本習禪觀故有禪定
知見執相捨相不語之五衆尊者詰而化之四衆皆
默然心服唯禪定師達磨達者聞四衆被責憤沸而
來尊者曰仁者習定何當來此既至于此胡云習定

曰我雖來此心亦不亂定隨入習豈在處所尊者曰
仁者既來其習亦至既無處所豈在入習曰定習人
故非入習定我雖來此其定常習尊者曰人非習定
定習人故當自來時其定誰習彼曰如淨明珠內外
無翳定若通達必當如此師曰定若通達一似明珠
今見仁者非珠之徒彼曰其珠明徹內外悉定我心
不亂猶若此淨師曰其珠無內外仁者何能定穢物
非動搖此定不是淨達磨達蒙尊者開悟心地朗然
尊者既攝五衆各聞遐方求法嗣遇一長者引其
子問尊者曰此子之斯多當生便奉左手今既長矣

而終未能舒願尊者示其宿因尊者觀之即以手接
曰可還我珠童子遽開手奉珠衆皆驚異尊者曰吾
前報爲僧有童子名婆舍吾嘗赴西海齋受瓊珠付
之今還吾珠理固然矣長者遂捨其子出家尊者即
與受具以前緣故名婆舍斯多尊者即謂之曰吾師
密有懸記罹難非久如來正法眼藏今轉付汝汝應
保護普潤來際偈曰

正說知見時 知見俱是心 當心卽知見

知見卽于今

尊者說偈已以僧伽黎衣密付斯多俾之他國隨機

演化斯多受教直抵南天尊者以難不可以苟免獨
 留屬實時本國有外道二人一名摩由多二名都落
 遮學諸幻法欲共謀亂乃盜為釋子形像潛入王宮
 且曰不成即罪歸佛子妖既自作禍亦旋踵事既敗
 王果怒曰吾素歸心三寶何乃構害一至于斯即命
 破毀伽藍祛除釋衆又自秉劍至尊者所問曰師得
 蘊空否尊者曰已得蘊空曰離生死否尊者曰已離
 生死曰既離生死可施我頭尊者曰身非我有何恠
 於頭王即揮刃斷尊者首涌白乳高數尺王之右臂
 旋亦墮地七白而終太子光首歎曰我父何故自取

其禍時有象白山僊人者深明因果即為光首廣宣
 宿因解其疑網事具聖骨集及寶林傳遂以師子尊者報體而
 建塔焉當魏齊王二十年己卯歲也師子尊者付婆
 舍斯多心法信衣為正嗣外苑出達磨達四世二十
 二師

第二十五祖婆舍斯多者屬實國人也姓婆羅門父
 寂行母常安樂初母夢得神劍因而有孕既誕拳左
 手遇師子尊者顯發宿因密受心印後適南天至中
 印度彼國王名迦勝設禮供養時有外道號無我尊
 先為王禮重嫉祖之至欲與論義幸而勝之以固其

事乃於王前謂祖曰我解默論不假言說祖曰孰知
勝負曰不爭勝負但取其義祖曰汝以何爲義曰無
心爲義祖曰汝既無心安得義乎曰我說無心當名
非義祖曰汝說無心當名非義我說非心當名非名
曰當義非名誰能辨義祖曰汝名非義此名何名曰
爲辨非義是名無名祖曰名既非名義亦非義辨者
是誰當辨何物如是往返五十九翻外道杜口信代
于時祖忽然面北合掌長吁曰我師師子尊者今日
遇難斯可傷焉卽勅王南邁達于南天潛隱山谷時
彼國主名天德迎請供養王有二子一凶暴而色力

克盛一柔和而長嬰疾苦祖乃爲陳因果王卽頓釋
所疑又有呪術師忌祖之道乃潛置毒藥于飲食中
祖知而食之彼返受禍遂投祖出家祖卽與受具後
六十載太子得勝卽位復信外道致難于祖太子不
如密多以進諫被囚王遽問祖曰示國素絕妖訛師
所傳者當是何宗祖曰王國昔來實無邪法我所得
者卽是佛宗王曰佛滅已千二百載師從誰得耶祖
曰飲光大士親受佛印展轉至二十四世師子尊者
我從彼得王曰示聞師子比丘不能免於刑戮何能
傳法後人祖曰我師難未起時密授我信衣法偈以

顯師承王曰其衣何在祖即於囊中出衣示王王命
焚之五色相鮮薪盡如故王即追悔致禮師于真嗣
朗明乃赦太子太子遂求出家祖問太子曰汝欲出
家當爲何事曰我若出家不爲別事祖曰不爲何事
曰不爲俗事祖曰當爲何事曰當爲佛事祖曰太子
智慧天至必諸聖降迹即許出家六年侍奉後於王
宮受具羯磨之際大地震動頗多靈異祖乃命之曰
吾已衰朽安可久留汝當善護正法眼藏普濟羣有
聽吾偈曰

聖人說知見

當境無是非

我今悟真性

無道亦無理

不如密多聞偈再啓祖曰法衣宜可傳授祖曰此衣
爲難故假以證明汝身無難何假其衣化被十方人
自信向不如密多聞語作禮而退祖現于神變化三
昧火自焚平地舍利可高一尺得勝王創浮圖而祕
之當東晉明帝太寧三年乙酉歲也
第二十六祖不如密多者南印度得勝王之太子也
既受度得法至東印度彼王名堅固奉外道師長爪
梵志暨尊者將至王與梵志同觀白氣貫于上下王
曰斯何瑞也梵志預知尊者入窺恐王遷善乃曰此

是魔來之兆耳。何瑞之有。既鳩諸徒。衆議曰。不如寧
多將入都城。誰能挫之。弟子曰。我等各有呪術。可以
動天地。入水火。何患哉。尊者至。先見宮牆有黑氣。乃
曰。小難耳。直詣王所。王曰。師來何為。尊者曰。將度衆
生。曰。以何法度。尊者曰。各以其類度之。時梵志聞言。
不勝其怒。即以幻法化大山於尊者頂上。尊者指之。
忽在彼。衆頭上梵志等怖懼。投尊者。尊者愍其愚惑。
再指之。化山隨滅。乃為王演說法。莫俾趣真乘。又謂
王曰。此國當有聖人而繼於我。是時有婆羅門子年
二十許。幼失父母。不知名氏。或自言。嬰珞。故人謂之。

嬰珞童子。遊行閭里。勾求度。曰。若常不輕之類。人問
汝何行。急即答云。汝何行。慢或問何姓。乃曰。與汝同
姓。莫知其故。後王與尊者同車而出。見嬰珞童子。稽
首於前。尊者曰。汝憶往事否。曰。我念遠劫中。與師同
居。師演摩訶般若。我轉甚深。修多羅。今日之事。蓋契
昔因。尊者又謂王曰。此童子非他。即大勢至菩薩是
也。此聖之後。復出二人。一人化南印度。一人緣在震
旦。四五年內。卻返此方。遂以昔因故名。般若多羅。付
法眼。藏偈曰。

真性心地藏

無頭亦無尾

應緣而化物

方便呼為智

尊者付法已即辨王曰吾化緣已終當歸寂滅願王於最上乘無忘外護即還本座跏趺而逝化火自焚王收舍利塔而瘞之當東晉孝武帝太元十三年戊子歲也

第二十七祖般若多羅者東印度人也既得法已行化至南印度彼王名香至崇奉佛乘尊重供養度越倫等又施無價寶珠時王有三子其季開士也尊者欲試其所得乃以所施珠問三王子曰此珠圓明有能及此否第一子目淨多羅第二子功德多羅皆曰

此珠七寶中尊固無踰也非尊者道力孰能受之第三子菩提多羅曰此是世寶未足為上於諸寶中法寶為上此是世光未足為上於諸光中智光為上此是世明未足為上於諸明中心明為上此珠光明不能自照要假智光辨於此既辨此已即知是珠既知是珠即明其寶若明其寶寶不自寶若辨其珠不自珠珠不自珠者要假智珠而辨世珠寶不自寶者要假智寶以明法寶然則師有其道其寶即現象生有道心寶亦然尊者歎其辯慧乃復問曰於諸物中何物無相曰於諸物中不起無相又問於諸物中

何物最高曰於諸物中人我最高又問於諸物中何物最大曰於諸物中法性最大尊者知是法嗣以時尚未至且默而混之及香至王厭世眾皆號絕唯第三子菩提多羅於柩前入定經七日而出乃求出家既受具戒尊者告曰如來以正法眼付大迦葉如是展轉乃至於我我今囑汝聽吾偈曰

心地生諸種 因事復生理 果滿菩提圓
華開世界起

尊者付法已即於座上起立舒左右手各放光明二十七道五色光耀又躡身虛空高七多羅樹化火自

焚空中舍利如雨收以建塔當宋孝武帝大明元年

丁酉歲也

景德傳燈錄卷第二

校譌

第十七紙第三行 齊北藏候作濟 從南藏改正

音釋

菌 巨隕切 地蕈也 泝 蘇故切 逆流也 月氏 氏音支 月竦 荀勇切 也 瘵 側界切 病也 忒 惕德切 差也 勞 陵之切 訖 魚訖切 穗 徐切 也 秀 禾成切 排 匪微切 巨 古鄧切 權 鄰知切 憤 憤問切 排 妃也 觀 初覲切 羯磨 梵語也 此云作 鳩 直禁切 尾切 施也

